

AD QVODLIBETARIAM. QVÆSTIO MEDICA.

379

Matutinis concertationibus agitata die Iouis xi. Ianuarij in Scholis Medicorum M. PETRO SEGVIN Professore Regio moderatore.

An suis cuique parti spiritus?

HOMO duplici principio efformatus; altero, spermate vtriûsque parentis profluo abs omnibus corporis partibus ad quas διαρρέειν καὶ ἐκπρέειν facultatum ope & operâ utilis sanguinci alimenti redundat copia: altero, menstruo sanguine ex muliebri habitu frigido & humido oriundo (vt quisque super illius generatione ex seminio de coelestibus corporibus affluenti cautiùs quàm Auicenna, Theologiæ Phœnicum & Ægyptiorum viter scopulos) in quatuor Elementa binis qualitatibus non æquè intensis prædita resoluitur, secedentibus ante animam spiritibus è corporis humani partibus.

ARTEs sunt duplicis speciei, solidæ nimirum siue similes & organicae siue dissimiles: Similares octo, os, cartilago, fibra, membrana, ligamentum, tendo, caro simplex & cutis omnium temperatissima: Dissimilium alia nobiles, alia ignobiles; nobiles cor, hepar, cerebrum, quæ ἀπλῶς ad indiuidui constitutionem conseruationemque necessaria; Ignobiles quæ modò secundum quid necessaria, vt pulmo, diaphragma, arteria, solius cordis ministerio dicata; ventriculus, intestina, lien, renes, vtrâque vesica, venæ, hepatis, vt nervi & choroides plexus, cerebro addicta famulatio.

QVOT partes substantiis & temperamentis differentes, tot spiritus implantati specie distincti: spirituum materia duplex sanguinis ἑξάρματος & aëris, officium, vt animæ facultates ad omnes corporis partes deuehant; natura, vt perpetuo moueantur aut suo aut alieno principio, suo quidem sursum quia leues ignei & aërii, deorsum verò ratione pabuli; alieno, si trahuntur vt naturales à venis, vitales, à singulis partibus; animales, cum dolore aut voluptate pars afficitur; aut pelluntur, vt naturales, ab hepate, vitales, à corde in suâ systole; animales, compresso cerebro.

SPIRITIBVS in sitis continuandis & suscitandis, è tribus principiis corde, hepate & cerebro, iugiter erumpunt influentes spiritus per tres tubos arterias, venas & nervos, ad facultates animæ deuehendas. E tribus illis principiis cor præcipuum est κεντρικόν, αἰσθητικόν & αἰματωποιοτικόν viuendi ζωμίας promus condus qui officinæ moderatur, quâ de calor ingeneratus & influens, exhalat spiritus, qui animæ facultates partibus dispersiuntur, fouent & restaurant.

SPIRITVS vitales in sitis affluentes è corde, hinc sursum per carotidas & ceruicales arterias in cerebri basin feruntur, vt cum aëre per nares inspirato in plebibus arteriolarum labyrinthis præparati, in sinibus cerebri cocti, in eius ventriculis, poris & totâ substantiâ medullari stabulentur, tandemque in nervos distribuuntur, & vi sentiendi & mouendi omnium rerum species cerebro affingant ipsûmque earundem promptuarium instruant: Inde deorsum labuntur ad hepar inter arteriarum & venarum anastomoses, qui cum aëre transpirato ad cauam hepatis partem, eò tandem præparatione & coctione desinunt vt naturales nuncupentur.

Ergo suis cuique parti spiritus.

Asserebat Lutetiæ FRANCISCVS PLACET Masserianus Carnutenfis anno salutis clō. lxxvii.

DOMINI DOCTORES DISPUTAVRI.

M. Stephanus de la Font.
M. Carolus Bouvard.
M. Claudius Charles.

M. Guerinus Vignon.
M. Dionysius Guerin.
M. Jacobus Latus.

M. Egidius Heron.
M. Ioannes Beauchefre.
M. Ioannes Hauin Medicus Regius.